

& solatio conuerfetur. Similiter magnates quoque benevolentia & officijs natum prosequuntur huius decreti tempore.

Quando uero Lunæ occurrit Venus, eius trinus, sextilis, uel terminus, nato commodum tempus et salubre hæc progressio denotat, reddit animum omnibus curis solutum, suauem cōuictorem, mulieribus charum, charā coniugem tribunt, uulgius hoc tempore natū suscipiet, & honoribus prosequetur. Est & matri foelix & fausta progressio, pro animi & corporis bonis.

Cōtra uero Luna si occurrit quadrato uel opposito Veneris, decernit hæc progressio mulierum gratia, infortunium, & propter fornicationes, infamiam.

Lunæ quando occurrit Mercurius, eius trinus, sextilis, uel terminus, animum nati eruditus cogitationibus reficit, & auidum facit earum artium, quæ Mercurio tribuuntur, quare Mercuriales sectabitur, qui uicissim eum amore, & omni officiorum genere prosequuntur.

Contra ad Lunam per progressionem occurfus quadrati, uel oppositi Mercurij, natum auertit ab eruditis, uel de Mercurialibus artibus, cogitationibus, & inuisum reddit artificibus de Mercurij dominio, ac inter natum, & eos ferit contentiones seu altercationes gratia alicuius doli aut criminis falsi cōmissi in literis, uel ratiocinationibus, uel contractibus. Hic etiam occurfus facit, ut natus male audiat præter suam culpam. Verum hæc omnia pro genituræ modulo accipienda sunt.

Lunæ occurfus, cum ad suum quadratum uel oppositum aspectum pertingit, efficit corpus nati languidum, & inclinatum ad ægrotudines de frigidis & humidis causis. Hoc tempore natum oderunt tum mulieres, tum uulgius.

Contra Luna, cum ad suum trinum aut sextilem per progressionem peruenit, conciliat nato fauorem nobilium mulierum & uulgi. Hoc tempore lætam fortunam in itineribus, & reliquis negocijs omnibus experietur.

Quando Lunæ occurrit caput, uisui infert imbecillitatem quandam, cætera satis fausta & læta promittit.

At Lunæ quando occurrit Cauda, præterquam quod nocet uisui, conijcit natum in uehementes animi motus, iram & contentiones. Caueat etiam sibi à uenenis in cibo aut potu, aut à profluuio uentris, præcipue si tale quid influentiæ cœli natiuitatis tempore significauerint.

De medijs cœli, & eius domini progressionibus.

Medij cœli, & eius domini progressionibus obseruamus ad præuidendos euentus de magistratibus, & honoribus, quos subditi in natum collaturum sint. Hæc namque progressionibus præmonstrant ad quæ reipublicæ munia subditi uocaturum sint natum, quæ nati sit futura autoritas, præ eminentia, aut amplitudo in magistratu, & quantos nato decernent honores. Præter hæc obseruamus progressionibus medijs cœli, & domini eius, pro diiudicatione actionum, studiorum, & artis genere, seu magisterio nati. Item pro accidens nati.

Quando igitur Medio cœli, aut eius domino occurrit Saturnus, eius quadratus oppositus, aut terminus, iudicamus subditos aduersaturos dignitati, & honoribus nati, ueluti si cogant natum ut à magistratu cum ignominia discedat, & eum omni dignitate, & honoribus spolient. Item tempore huius directionis studia, & artes nato infeliciter cedunt, adeo ut etiam per eas damnum faciat. Actiones, & negocia nati ita differuntur, ut uix tandem, & cum detrimento perficiantur. Apud agricolas, &

Ff iij & senes